



Broj : 10/E-11- 379 /25
Datum : 17-01-2025 godine

Na osnovu člana 10a. stav (1) tačka a) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za civilnu zaštitu od 14.01.2025. godine, Opštinski načelnik donosi:

ODLUKU **o izuzeću od primjene zakona o javnim nabavkama**

Član 1.

Od primjene Zakona o javnim nabavkama izumaju se usluge zakupa prostora za smještaj repetitora sistema radio veze.

Član 2.

Postupak nabavke usluga iz člana (1) ovog člana, je u skladu sa članom 10a. stav (1) tačka a) Zakona o javnim nabavkama i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 8.400,00 KM za period od dvije godine. Sredstva za ove namjene su planirana kroz Dokument okvirnog budžeta Općine Centar Sarajevo za period 2025.-2027. godine, na budžetskom kontu: 613611. JRJN: 70220000-9 Usluge davanja nestambenih nekretnina u najam ili zakup.

Član 4.

Služba za civilnu zaštitu je zadužena za praćenje i realizaciju predmetnih usluga, u skladu sa zakonom i općim aktima ovog Organa uprave.

Član 5.

Za predmetnu nabavku je predviđeno zaključivanje ugovora na period od dvije godine u skladu sa odredbama Zakona o javnim nabavkama, a isti će biti zaključen sa „MIBO KOMUNIKACIJE“ d.o.o. Sarajevo.

Član 6.

Ova Odluka stupa na snagu danom donošenja i ista će biti objavljena na web stranici Općine Centar Sarajevo.

O b r a z l o ž e n j e

Na osnovu zahtjeva Službe za civilnu zaštitu od 14.01.2025.godine u vezi donošenja odluke o izuzeću za usluge zakupa prostora za smještaj repetitora sistema radio veze, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. stav (1) tačkom a) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

a) sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču;“

Kako su predmet ove nabavke usluge zakupa, iste se mogu obezbijediti od privrednog subjekta („MIBO KOMUNIKACIJE“ d.o.o. Sarajevo), kao prethodnog zakupodavca, a čiji prostor ispunjava uslove za funkcionisanje sistema radio veze za smještaj repetitora. Prostor je adekvatan traženim uslovima, odnosno pruža sigurniji i postojaniji sistem komunikacija u slučajevima nastanka prirodnih i drugih nesreća, konstatovano je da su da su ispunjeni uslovi, iz člana 18. stav (1) i (2) a u vezi sa članom 10a. stav (1) tačka a) Zakona o javnim nabavkama kojim su propisana izuzeća od primjene odredbi ovog zakona.

Utvrđeno je da su ispunjene pretpostavke za donošenje predmetne odluke, te će se za iste zaključiti ugovor na period od dvije godine sa privrednim subjektom „MIBO KOMUNIKACIJE“ d.o.o. Sarajevo. Period primjene pružanja usluga teče nakon isteka važećeg ugovora o zakupu, odnosno od 01.02.2025. do 31.01.2027. godine. Za praćenje i realizaciju ugovora zadužuje se Služba za civilnu zaštitu, te će se nakon potpisivanja ugovora o zakupu, isti dostaviti Kabinetu općinskog načelnika – Odsjeku za javne nabavke u zakonskom roku radi prijave u sistem „e-Nabavke“.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u kroz Dokument okvirnog budžeta Općine Centar Sarajevo za period 2025.-2027. godine, na budžetskom kontu: 613611.

Shodno zakonu i općim aktima Općine, Opštinskom načelniku se dostavlja prijedlog odluke o izuzeću na konačno odobranje i saglasnost.

Cijeneći prethodno navedeno donesena je odluka kao u dispozitivu.



Dostaviti:

1. Službi za civilnu zaštitu
2. Službi za finansije
3. Kabinetu općinskog načelnika – Odsjeku za javne nabavke,
4. Evidenciji